



Inatsisip nr. 262, 16. marts 2016 ilanngunnissaannut, selskab-it inatsisaata, inuussutissarsiuutigalugu suliffeqarfiutilinnut inatsisaata, inuussutissarsiuutigalugu fond-it inatsisaata, inatsisillu tamalaat (Piginnittuiit nalunaarsornissaat eqqunneqarnissaanut) allanngortinnissaat anguniarlugit Naalakkersuisut, Danmark-ip Naalakkersuisuinut attaveqarnissaannut peqquneqarnissaannik, Inatsisartut aalajangiiffigisassaattut siunnersuut.

(Partii Naleqqamit Inatsisartunut ilaasortaataitai)

Siullermeernera

Siunnersuut teknikitaqartorujussuusinnaagaluartoq kisiannili nunatsinnut selskabit inatsisaata, inuussutissarsiuutigalugu suliffeqarfiutilinnut inatsisaata inuussutissarsiuutigalugu fond-it inatsisaata, taamatullu inatsisit tamalaat pillugit piginnittut isortuussaasinnaajunnaarnissaat pillugu siunnersuutip qiterivaa

Nunatsinni selvskabilersuinerujussuaq ukiuni qulikkaani kingullerni nutaajusutut aatsaat annertusiartuinnartumik atugaavoq.

Ingerlatseriaatini assigiinngitsuni ingerlatsinermi selvskabit illersugaanerit niuernermilu ingerlatsinerminni illersugaanerit qallunaat nunaanni periutsit atorlugit ingerlataapput.

Qitiusumii ingerlatapassuagut inuiaqatigiit pigisaat ilaatigut Royal Greenland piginneqataasinnaanerata annertussusaat inatsisitigut aaqqissuusaapput, taamatullu aamma selskab-it allat ingerlatsinerisa piumasaqaataitai aaqqissuusaasarlutik.

Taamaammat kikkut qanorlu annertutigisumk piginnittuusut aammalu kikkut aningaasaliisuunersut sukumiisumik nalunaarsorsimanissaat takuneqarsinnaanngorlugit aaqqissuusaanissaat uani siunnersuummi ilaatigut pineqarput.

Naalakkersuisooqatigiit tapertaasalu inuiaqatigiit selskabit pigisagut tuniniaqattaarneri aammalu allaat aappaagu 170 mio nalinganut isertissutaasussaasunik selskabiutitsinnik tuniniagaqalersaaqqippat, allaalluunniit suli Inatsisartunut ilaasortat taamatullu inuiaqatigiit piginnittuusut suli paasitinneqarata selskab-it tuniniarneqalersaarlutik.

Kikkut piginnittuunerat nassuinarneqarnerata ersarissarnerani inuk piginnittuusooq toqqaannartumik imalunniit toqqaannartuunngikkaluartumik piginnittuuppat ingerlatsinermi toqqammaviatigut aaliangersaasinnaasoq, taamatullu ataatsimeersuarnerninni taaseqataasinnaasutut inissisimasut suliffeqarfiup ataatsimeersuarnertinnerani.



partii naleraq

Nuuk 1.okt. 2019

UKA 2019/66

Jens Napätök, Partii Naleraq

Taamatut inatsisitigut kikkut piginnittuunerisa nalunaarsorneqarnerani kikkut piginnuuviumersut takuneqarsinnaanerat sakkussaalissaaq assigiinngitsutigut pitsaasumik tutsuiginartumillu inissinnissamat.

Taamatut aaqqiinermi kikkut piginnituviumerat qulaajarneqarsinnaangussaaq aalisagartassiisarnikkut aammalu minnerunngitsumik aatsitassassiornerit allallu nunatsinni selskabini piginnittuullutik inissisimasut pillugit.

Taamatut aaqqiinissamat siunnersuummut Naalakkersuisut siunnersuutitsinnut tapersiinerat Partii Naleqqamiit naammagisimaarparput.

Taamatut Partii Naleqqamiit oqaaseqarluta siunnersuut taamatut isikkoqarluni akuersissutigineqarluni ingerlaqqinnissaa innersuussutigaarput.